



Broj: 10-05-8918/16
Sarajevo, 21.04.2016.godine

SKUPŠTINA KANTONA SARAJEVO
-Sluzba za skupštinske poslove-

PREDMET: Odgovor na poslaničko pitanje

Zastupnica Neira Avdibegović je na 13. Radnoj sjednici Skupštine Kantona Sarajevo, održanoj dana 30.03.2016.godine, u okviru tačke Dnevnog reda "Zastupnička pitanja, inicijative i odgovori", u skladu sa Poslovnikom Skupštine Kantona Sarajevo, postavila zastupničko pitanje:

"Kada će se konačno pristupiti rješavanju problema stomatoloških usluga za osobe sa težim invaliditetom, posebno za djecu sa posebnim potrebama?"

O D G O V O R

Ministarstvo zdravstva Kantona Sarajevo je upoznato sa problemima u ostvarivanju prava na stomatološku zaštitu navedene populacije od 2008. godine, kada su obezbjeđena finansijska sredstva za stavljanje u funkciju namjenske ambulante za pacijente sa posebnim potrebama u općoj anesteziji na klinici za oralnu hirurgiju pri Stomatološkom fakultetu u Sarajevu.

Stručna komisija Ministarstva zdravstva Kantona Sarajevo izvršila je neposredan uvid o ispunjenosti uvjeta prostora, opreme i kadra, a Fakultet se obavezao da dosatavi Ugovor sa angažiranim anesteziologom i specijalistom za dječiju i preventivnu stomatologiju.. Rješenje o odobrenju za rad navedene ambulante ovo ministarstvo nikada nije izdalo jer Fakultet nikada nije dostavio propisanu dokumentaciju za stručni kadar Ambulante uključujući doktora medicine, specijaliste za anesteziju i reanimaciju.

Zavod zdravstvenog osiguranja Kantona Sarajevo finansira pružanje stomatološke zaštite na stomatološkim klinikama Fakulteta sredstvima iz obaveznog zdravstvenog osiguranja u iznosu kojim je moguće obezbjediti kontinuitet u radu navedene ambulante. Način i obim pružanja stomatoloških usluga, osiguranicima Kantona Sarajevo na stomatološkim klinikama koje posluju u sastavu Stomatološkog fakulteta Univerziteta u Sarajevu u prethodnom periodu nije adekvatno riješen iz razloga nerješenog statusa stomatoloških klinika, a što će biti predmetom rješavanja u okviru pokrenutih aktivnosti i reformi koje ovo ministarstvo namjerava okončati do kraja 2016.godine.

Uvažavajući potrebe pacijenata sa posebnim potrebama u pogledu ostvarivanja prava na stomatološke tretmane u općoj anesteziji Ministarstvo zdravstva Kantona Sarajevo je pokrenulo aktivnosti u suradnji sa Zavodom zdravstvenog osiguranja Kantona Sarajevo u smislu pripreme javnog poziva svim zdravstvenim ustanovama koje obavljaju navedenu djelatnost i koje su spremne preuzeti pružanje usluga ovoj populaciji, a sa kojima će se zaključiti ugovor do konačnog rješenja ovog pitanja.

S poštovanjem,



web: <http://mz.ks.gov.ba>
e-mail: minzdrav@ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

